



27 Mac 2015
27 March 2015
P.U. (A) 56

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN CUKAI BARANG DAN PERKHIDMATAN (PINDAAN) 2015

GOODS AND SERVICES TAX (AMENDMENT) REGULATIONS 2015



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI BARANG DAN PERKHIDMATAN 2014

PERATURAN-PERATURAN CUKAI BARANG DAN PERKHIDMATAN
(PINDAAN) 2015

PADA menjalankan kuasa yang diberikan oleh seksyen 177 Akta Cukai Barang dan Perkhidmatan 2014 [*Akta 762*], Menteri membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Cukai Barang dan Perkhidmatan (Pindaan) 2015**.

(2) Kecuali peraturan 3, 4, 5 dan 6, Peraturan-Peraturan ini mula berkuat kuasa pada 30 Mac 2015.

(3) Peraturan 3, 4, 5 dan 6 mula berkuat kuasa pada 1 April 2015.

Pindaan peraturan 19

2. Peraturan-Peraturan Cukai Barang dan Perkhidmatan 2014 [*P.U. (A) 190/2014*], yang disebut “Peraturan-Peraturan ibu” dalam Peraturan-Peraturan ini, dipinda dalam peraturan 19 dengan memasukkan selepas subperaturan (8) subperaturan yang berikut:

“(8A) Walau apa pun perenggan (1)(b), jika Ketua Pengarah telah meluluskan dua atau lebih syarikat untuk dikira sebagai anggota suatu kumpulan, syarikat itu hendaklah tidak terhenti menjadi anggota kumpulan itu jika syarikat itu membuat pembekalan tanah pertanian yang merupakan suatu pembekalan dikecualikan di bawah Perintah Cukai Barang dan Perkhidmatan (Pembekalan Dikecualikan) 2014 [*P.U. (A) 271/2014*] kepada Pihak Berkuasa Negeri bagi mematuhi seksyen 3 Akta Pengambilan Tanah 1960 [*Akta 486*].”

Pindaan peraturan 34

3. Peraturan 34 Peraturan-Peraturan ibu dipinda dalam tafsiran “motokar penumpang” dalam perenggan (a) dengan memasukkan selepas perkataan “Akta Pengangkutan Awam Darat 2010 [Akta 715]” perkataan “, Akta Lembaga Pelesenan Kenderaan Perdagangan 1987 [Akta 334]”.

Pindaan peraturan 40

4. Subperaturan 40(3) Peraturan-Peraturan ibu dipinda dengan menggantikan perkataan “89(2)(a)” dengan perkataan “88(2)(a)”.

Pindaan peraturan 45

5. Perenggan 45(1)(a) Peraturan-Peraturan ibu dipinda dengan memasukkan selepas perkataan “yang telah” perkataan “tidak”.

Pindaan peraturan 47

6. Peraturan 47 Peraturan-Peraturan ibu dipinda dengan memasukkan selepas subperaturan (2) subperaturan yang berikut:

“(2A) Pembayaran tunai yang disebut dalam subperaturan (2) hendaklah tidak berhubung kait dengan—

(a) apa-apa pembekalan selain pembekalan yang tertakluk kepada kadar cukai di bawah seksyen 10 Akta; atau

(b) apa-apa pembekalan yang kredit bagi cukai input yang ditanggung tidak dibenarkan di bawah peraturan 36.”.

Pindaan peraturan 80

7. Perenggan 80(a) Peraturan-Peraturan ibu dipinda dengan memasukkan selepas perkataan “Malaysia” perkataan “, berumur tidak kurang daripada lapan belas tahun”.